

Diyi dia Nzambi



Diyi dia Nzambi

“Kubulula kua meyi ebe kudi kutemeshila bantu munya, kudi kupesha muntu mutshimbakane lungenyi.” (Musambu 119:130)

Nzambi, Mufuki wetu, wakatupesha Diyi diandi bua kutuleja njila wa lupandu ne bua kutuleja bu mutudi ne bua kuenda mu mu njila udi umusankisha. Diyi dia Nzambi didi dimanye mua kukolesha mitshima yetu mu bikondo bia makenga. “Bua malu onso akafundabo diambedi akafundibua bua kutuyisha, bua tuetu tuikale ne ditekemena bua ditantamana dietu ne bua busambi bua mu Mukanda wa Nzambi.” (Lomo 15:4)

“Diyi dionso dia mu Mukanda wa Nzambi didi difuma, munda mua Nzambi bu mupuya wandi”

“Didi ne mudimu muimpe wa kuyisha bantu, ne wa kubabela, ne wa kubadimusha, ne wa kubalongesha mu buakane bua Nzambi; bua muntu wa Nzambi ikale mukumbashibue, mulongolola tshishiki bua midimu yonso muimpe.” (2 Timote 3:16,17)

Bafundi bonso ba Diyi dia Nzambi bakadi benzejibua kudi Nyuma Muimpe wa Nzambi pakafunda mikanda yabo itudi nayi mu bianza bietu lelu mu mukanda umue: Mukanda wa Nzambi. Mupostolo Petelo wakafunda ne, “Kakuena diyisha dia baprofete dia mu Mukanda wa Nzambi didi difuma ku dijingulula dia muntu. Bualu bua kakuena diyisha dia baprofete diakanza kulua ku disua dia muntu; kadi bantu bakamba diyi dia kudi Nzambi benzeja kudi Nyuma Muimpe.” (2 Petelo 1:20,21)

Katueni ne dibuluibua dipia-dipia anyi diyisha dipia-dipia” bualu. Yone wakafunda ne, “Nuenu bienu, bualu bunuakumvua ku tshibangidilu buikale munda muenu. Bikala bualu bunuakunvua buikala munda muenu, nuenu kabidi nenuikale munda mua Muana, ne munda mua Tatu, Ewu udi mulayi, wakatulayeye, muoyo wa tshiendelele mene.” (1 Yone 2:24,25)

Bishimikidi bia Lumu Luimpe

“Kilisto wakafuila bua malu mabi etu, bu mudi Mukanda wa Nzambi wamba; wakajikibua, wakubishibua ku lufu pakapita matuku asatu, bu mudi Mukanda wa Nzambi wamba.”

(1 Kolinto 15:3,4)

“Kakuena muntu udi mua kujadika bishimikidi mikuabo, anu biobio biakamana kujadikibua, bidi Yesu Kilisto mene. Mu munga muntu yonso kamuena lupandu, bualu bua kakuena dinga dina munshi mua diulu, dipa bantu, didi dimanye mua kutu-sungila.”

(1 Kolinto 3:11. Bienzedi 4:12)

“Mukanda wa Nzambi udi wamba ne, Wamuitabuja kena ufuishi-bua bundu. Bualu kakuena ditapuluka pankatshi pa Muena Yuda ne Muena Gelika, bualu bua umue udi Mukelenge wa bonso, udi ne bubanji bua luse kudi bonso badi bamutendekena. Bualu bua muntu yonso udi utendekena dina dia Mukelenge neasungidibue.”

(Lomo 10:11-13)

Muntu yonso udi witabuja Yesu bu Musungidi ne Mukelenge udi ne muoyo wa tshiendelele ne dipa dia Nyuma Muimpe

Paulo wakafundila Bena Kilisto ba mu Efeso ne, “Nuenu kabidi, panuakamana kumvua diyi dia bushuwa kudiye, lumu luimpe lua lupandu luenu, panuakamuitabuja kabidi, nuakangata tshima-nyishilu tshia Nyuma Muimpe mulayibue, udi tshieya tshia bupianyi buetu, too ne ku kupikudibua kua bantu ba Nzambi muenabo, bua dianyisha dia butumbi buende.”

(Efeso 1:13,14)

Dipa dia Nyuma Muimpe didi tshieya tshia bupianyi bua bonso badi bitabuja Mukelenge Yesu mu Musungidi ne Mukelenge mu diulu. Dipa dia Nyuma Muimpe didi tshieya tshia lupandu luabo. Mukelenge Yesu wakamba ne, “Luayi kundi, bonso badi ne mudimu mukole, badi ne bujitu bunene meme nenupe dikisha. Tshiena ngipata walua kundi.”

(Matayo 11:28. Yone 6:37)

Diyi dia Nzambi didi dilama kudi kuenza kua bibi

“Nsongalume nealengeshe bienzedi biandi munyi? Adimuke biandi bu mudi diyi diebe diamba. Nenkukebe ne mutshima wanyi mujima; kuitabuji bua meme kusesuka ku mikenji yebe. Nakulama diyi diebe mu mutshima wanyi, bua meme meme tshikuenzedi bibi.” (Musambu 119:9-11)

“Bituamba ne, Katuena ne mibi, tudi tudidinga, ne bushuwa kabuena munda muetu. Bituatonda mibi yetu, yeye udi wa kueyemenyibua ne udi ne buakane bua kubuikidila mibi yetu, ne bua kutulengesha ku malu mabi onso.” (1 Yone 1:8,9)

Bidi bimpe kubala anyi kunvua dibala dia Diyi dia Nzambi

Tudi ne Diyi dia Nzambi bualu, didi bia kudia bietu bia nyuma. Mukanda wa Nzambi udi wamba ne, “Muntu kikadi biandi muoyo bualu bua bidia nkayabi, ikale biandi nawu bualu bua meyi onso adi alupuka mukana mua Nzambi.” (Matayo 4:4)

“Wenzele muntu webe malu mimpe makumbane, bua meme ngikale ne muoyo, ne bua ntumikile diyi diebe. Utabashe mesu anyi, bua meme kumona malu a kukema a mu mikenji yebe. Diyi diebe didi muinda ku makasa anyi ne munya muteme mu njila wanyi.” (Musambu 119:17,18,105)

“Nunku ditabuja didi difuma ku diunvua, ne diunva didi bua diyi dia Kilisto. Nudiunde mu ngasa ne mu dimanya bia Mukelenge wetu ne Musungidi Yesu Kilisto. Butumbi buikale kudiye katataka too ne ku dituku dia tshiendelele. Amen.”

(Lomo 10:17. 2 Petelo 3:18)